

chè aziò non pari stranio a ch' il vede, ne ho voluto far nota.

Et benchè non si fazi oblation a Gran Consejo di danari al presente, *tamen* ho voluto scriver qui soto el Consejo. Et fo publichà per Zuan Baptista di Andriani secretario: che tutti quelli hanno fato oblation per officii et restano debitori, et cussì quelli hanno oferto in Pregadi debano aver satisfato, *aliter* il primo Gran Consejo sarano imbosolati, et fato in locho di quelli sarano cavati, oltra le altre pene et provision si farà contra di loro.

In questo Consejo achadete, che vene voce come ozi se impiò fuogo in una caixa a San Bartolomio in una corte apresso quella dil Parangon, et cussì andono zoso alcuni, *imo* molti zentilhomeni hanno da far in dita contrada, et per esser di zorno e non era vento, dito focho, qual era grande, fo studato, et si brusò *solum* il soler di sora di una caixa, et non se quite altro incendio.

Et da poi Consejo l'orator di Ferara vene in Colegio a notificar come havea letere dil Duchà, che à aviso il Duchà vechio de Urbin, *tamen* per alcuni venuti di Pexaro se intendeva dito Duca non esser intrato, ma era con le soe zente verso San Marin.

319*

A dì 8 Fevver.

*Al luogo di Procurator sopra i atti
di Sopra gastaldi.*

Sier Gregorio Barbarigo, fo di la Zonta, qu. Serenissimo Principe	637.657
Sier Valerio Valier, fo provedador al sal, qu. sier Antonio	586.708
† Sier Marin Corner qu. sier Polo da Santa Marina, fo provedador al sal	712.590
Sier Domenego Capelo, fo Cao dil Consejo di X, qu. sier Nicolò	533.764

Podestà a Citanuova.

Sier Marin Gixi, fo camerlengo a Ruigo, qu. sier Marco	720.583
† Sier Andrea Donado, fo podestà a Uderzo, qu. sier Antonio	772.552

Un Camerlengo a Verona.

Sier Hironimo Zen, è a la Ternaria vechia, qu. sier Bacalario el cavalier	510.843
† Sier Marin Polani, fo XL zivil, di sier Bernardin, qu. sier Luca	868.490

Camerlengo in Cao d' Istria.

Sier Andrea Balbi, l' avvocato grando, di sier Alvixe	725.620
† Sier Zuan Sagredo, è Extraordinario, qu. sier Alvixe	941.420

Un Avvocato per tutte le corte.

† Sier Francesco da Molin di sier Marco, qu. sier Francesco	769.596
Sier Francesco Pasqualigo di sier Marco	629.689
Sier Cristofal Zivran, fo podestà a Pinquento, qu. sier Piero	586.741
Sier Nicolò Longo di sier Giacomo	563.755

Un Cinque di la Paxe.

Sier Giacomo Memo di sier Nicolò, qu. sier Lodovico	637.605
† Sier Marco Antonio Venier di sier Pelegrin, qu. sier Nadal	785.441
Sier Polo da Canal qu. sier Filippo	585.694
Sier Ixepo Badoer qu. sier Bernardin, qu. sier Marco el cavalier	490.662

Un di la Zonta, in luogo di sier Marco Minio è andato orator al Summo Pontifice.

Sier Alvixe Bon, fo di Pregadi, qu. sier Otavian	572.609
Sier Sebastian Malipiero, fo provedador sora i Officii, qu. sier Troylo	470.688
Sier Thomà Michiel, fo di la Zonta, qu. sier Zuan-Matio	657.496
† Sier Gabriel Moro el cavalier, fo di Pregadi, qu. sier Antonio	687.465

È da saper. Si fa 7 voxe per non esser voxe da far, e *tamen*, per le leze, di Octubrio fin Pasqua si dia far nove voxe in Consejo.

A dì 9, Luni. Veneno in Colegio li 12 oratori veronesi, et domino Piero Francesco da Bra dotor, uno di ditti oratori, fece una oration latina elegantissima, tolendo 10 di loro licentia di repatriar et do resterano a sollicitar la expedition di le proposte fate per quella fidelissima comunità, et prometendo la soa fede perpetua a questo Excelentissimo Stado, e in segno di vera fede hanno deliberato nel so' Consejo di far far uno stendardo col segno di San Marco